

28 JUL 1997

DR MAHATHIR ADAKAN PERBINCANGAN DENGAN PERDANA MENTERI MAURITIUS

LANGKAWI, 28 Julai (Bernama) -- Perdana Menteri Datuk Seri Dr Mahathir Mohamad mengadakan perbincangan dua hala dengan rakan sejawatnya dari Mauritius Dr Navinchandra Ramgoolam, di sini hari ini.

Perbincangan itu yang berlangsung selama 45 minit bertumpu kepada hubungan dua hala antara kedua-dua negara dan juga isu serantau dan antarabangsa, seperti kerjasama Selatan-Selatan.

Dr Navinchandra tiba di sini Sabtu lepas untuk menghadiri Dialog Antarabangsa Langkawi Ketiga (LID '97) yang telah dirasmikan pembukaannya oleh Dr. Mahathir di Berjaya Langkawi Beach and Spa Resort di sini.

Esok, Dr Mahathir akan mengadakan perbincangan dua hala dengan pembesar asing lain, yang turut hadir pada LID '97 di antaranya termasuklah Perdana Menteri Swaziland Dr Sibusiso Barnabas Dlamini, Presiden Namibia Dr Sam Nujoma, Naib Presiden Uganda Dr Specioza Wandira Kazibwe dan Naib Presiden Ghana Prof. John Evans Atta Mills.

-- BERNAMA

RV RI